

## **ETIČKI KODEKS**

### **NOSILACA IZVRŠNIH FUNKCIJA, IZABRANIH ZVANIČNIKA I SAVJETNIKA U OPĆINI STARI GRAD SARAJEVO**

### **O D L U K U O OBRAZOVANJU ORGANIZACIONOG ODBORA ZA BILJEŽAVANJE DANA OPĆINE STARI GRAD SARAJEVO**

### **PRAVILNIK O VISINI I NAČINU ISPLATE JEDNOKRATNE NOVČANE POMOĆI PORODILJAMA**

### **O D L U K U O IZMJENAMA I DOPUNAMA ODLUKE O DODJELI PRIZNANJA OPĆINE STARI GRAD SARAJEVO**

### **R J E Š E N J E O IZBORU PREDsjedNIKA, ZAMJENIKA PREDsjedNIKA I ČLANOVA KOMISIJE ZA PRIZNANJA OPĆINE STARI GRAD SARAJEVO**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06) i člana 25. Statuta općine Stari Grad Sarajevo – Prečišćeni tekst („Službene novine Kantona Sarajevo“, broj 31/08), Općinsko vijeće Stari Grad Sarajevo je, na sjednici održanoj dana 26. februara 2009.g. donijelo

## **ETIČKI KODEKS NOSILACA IZVRŠNIH FUNKCIJA, IZABRANIH ZVANIČNIKA I SAVJETNIKA U OPĆINI STARI GRAD SARAJEVO**

### **I – UVODNI DIO**

#### **Član 1. (Svrha Kodeksa)**

(1) Ovim Kodeksom uspostavljaju se standardi ponašanja kojih se trebaju pridržavati nosioci izvršnih funkcija, izabrani zvaničnici i savjetnici Općine Stari Grad Sarajevo (u daljem tekstu: Općina) u obavljanju svojih dužnosti.

(2) Svrha Kodeksa je da se njegovim prihvatanjem i dosljednom primjenom promoviše ugled Općine i Općinskog vijeća Stari Grad Sarajevo (u daljem tekstu: Općinsko vijeće) i osnaži povjerenje građana prema institucijama vlasti.

### **II – PRIMJENE KODEKSA**

#### **Član 2.**

### **(Nosioци izvršnih funkcija i izabrani zvaničnici)**

(1) Nosioци izvršnih funkcija i izabrani zvaničnici su osobe kojima je mandat povjeren putem neposrednih ili posrednih izbora.

(2) U smislu odredaba iz tačke f) člana 3. Zakona o sukobu interesa u organima vlasti u Federaciji Bosne i Hercegovine („Službene novine Federacije BiH“, broj 70/08), nosioцима izvršnih funkcija u Općini smatraju se Općinski načelnik i Općinski pravobranilac.

(3) U smislu odredbe iz tačke e) člana 3. Zakona iz stava 2. ovog člana, izabranim zvaničnicima u Općini smatraju se predsjedavajući Općinskog vijeća, zamjenik predsjedavajućeg Općinskog vijeća i vijećnici Općinskog vijeća.

### **Član 3. (Savjetnici)**

(1) Savjetnici su osobe koje su nosioци izvršnih funkcija i izabrani zvaničnici imenovali u skladu sa Zakonom o državnoj službi u Federaciji Bosne i Hercegovine (u daljem tekstu: Zakon o državnoj službi).

(2) Savjetnici u smislu odredbe iz stava 1. člana 3, ovog Kodeksa, su savjetnici Općinskog načelnika i savjetnici predsjedavajućeg Općinskog vijeća.

### **Član 4. (Radna tijela Općinskog vijeća)**

(1) Odredbe ovog Kodeksa dužni su poštivati i predsjednik, zamjenik predsjednika i članovi stalnih radnih tijela koje Općinsko vijeće obrazuje radi pripremanja i razmatranja prijedloga odluka i drugih akata, praćenja i proučavanja pitanja iz nadležnosti Općinskog vijeća.

## **III – OSNOVNI PRINCIPI PONAŠANJA**

### **Član 5. (Zakonitost i javni interes)**

(1) Nosioци izvršnih funkcija, izabrani zvaničnici i savjetnici su obavezni svoje dužnosti obavljati u skladu sa Ustavom i zakonima Bosne i Hercegovine, Federacije BiH i Kantona, kao i Statutom, Poslovníkom i drugim propisima Općine.

(2) Prilikom obavljanja svojih dužnosti, nosioци izvršnih funkcija, izabrani zvaničnici i savjetnici će se zalagati za ljudska prava i slobode i ravnopravnost svih naroda i građana.

### **Član 6. (Ciljevi obavljanja dužnosti)**

(1) Povjerene dužnosti nosioци izvršnih funkcija, izabrani zvaničnici i savjetnici će obavljati savjesno, odgovorno i nepristrasno, uz naglašenu otvorenost i spremnost da odgovaraju za svoje odluke, djelovanja i ponašanja.

(2) Standardi ponašanja ustanovljeni ovim kodeksom trebali bi biti stalna preporuka u javnom djelovanju i nakon isteka mandata, a sve u cilju daljeg jačanja povjerenja javnosti u integritet državnih institucija.

#### Član 7. (O pravu pozivanja na imunitet)

Prema važećem Zakonu o imunitetu („Službeni glasnik BiH“, broj 37/03) i („Službene novine Federacije BiH“, broj 19/03), općinski nosioci izvršnih funkcija, izabrani zvaničnici i savjetnici nisu utvrđeni kao osobe koje se, za postupke izvršene u okviru njihovih dužnosti imaju pravo pozvati na svoj imunitet u krivičnom, parničnom ili prekršajnom postupku.

#### Član 8. (Krivični i parnični postupak)

(1) Krivični i parnični postupak protiv nosilaca izvršnih funkcija, izabranih zvaničnika i savjetnika vodi se prema važećem Zakonu o krivičnom i Zakonu o parničnom postupku.

(2) Ukoliko lica iz stava 1. ovog člana počine krivično djelo u obavljanju svoje dužnosti, Općina i Općinsko vijeće će preduzeti mjere da bi se sačuvali tragovi krivičnog djela, predmeti na kojima je ili pomoću kojih je učinjeno krivično djelo odnosno drugi dokazi o njima i obavijestit će policiju ili Tužilaštvo bez odlaganja.

(3) Na način opisan u prethodnom stavu, Općina i Općinsko vijeće će postupiti kada lica iz stava 1. ovog člana, u obavljanju svojih dužnosti počini prekršaj iz Zakona o prekršajima protiv javnog reda i mira („Službene novine Kantona Sarajevo“, broj 18/07) i Odluke Općinskog vijeća Stari Grad Sarajevo o prekršajima protiv javnog reda i mira („Službene novine Kantona Sarajevo“, broj 39/07).

(4) Ukoliko lica iz stava 1. ovog člana izvrše krivično djelo, odnosno prekršaj protiv javnog reda i mira, u okviru ili izvan okvira svojih dužnosti, Općinsko vijeće će, u tom slučaju, u cilju zaštite ugleda Općine kao organa lokalne samouprave, zauzeti svoj stav i o tome informisati organe gonjenja i javnost.

### **IV – POSEBNE OBAVEZE**

#### Član 9. (Izborna kampanja)

(1) Vođenje postupka protiv nosilaca izvršnih funkcija, izabranih zvaničnika i savjetnika za kršenje odredbi Izbornog zakona Bosne i Hercegovine koji je pokrenut kod Centralne izborne komisije Bosne i Hercegovine (u daljem tekstu: Centralna izborna komisija) ne isključuje pravo Općine i Općinskog vijeća da o neprimjerenom ponašanju

svojih nosilaca izvršnih funkcija, izabranih zvaničnika i savjetnika u toku izborne kampanje, koje narušava ugled lokalnih vlasti i vrijeđa ljudsko dostojanstvo drugih izabranih zvaničnika i zaposlenih lica u Općini, Općinskom vijeću i Općinskom pravobranilaštvu, da svoje mišljenje i tim nosiocima izvršnih funkcija, izabranim zvaničnicima i savjetnicima izrekne odgovarajuću sankciju.

(2) Neprimjereno ponašanje podrazumijeva, ali se ne ograničava na: korištenje uvredljivog riječnika i klevete na račun Općine, Općinskog vijeća i Općinskog pravobranilaštva i drugih zaposlenih lica, korištenje nasilja i prijetnji i sl.

#### Član 10. **(Sukob interesa)**

(1) Prema odredbama Zakona o sukobu interesa, nosioci izvršnih funkcija, izabrani zvaničnici i savjetnici ne smiju svoj privatni interes stavljati iznad javnog interesa niti koristiti javnu funkciju za ličnu dobit lica koje je sa njima povezano.

(2) Kada Općinsko vijeće razmatra pitanje u kojem nosioci izvršnih funkcija, izabrani zvaničnici i savjetnici ili interesno povezana lica imaju privatni interes, objelodanit će to prije rasprave i glasanja, a izabrani zvaničnik koji ima privatni interes neće učestvovati u glasanju.

(3) Nosioci izvršnih funkcija, izabrani zvaničnici i savjetnici će se pridržavati ograničenja istovremenog obavljanja dvije ili više nespojivih dužnosti, a uzdržavaće se i od drugih zabranjenih aktivnosti iz člana 10. Zakona o sukobu interesa, kao što su npr. primanje ili zahtijevanje poklona, obećavanje zaposlenja, privilegovanje lica radi stranačkog ili drugog opredjeljenja i dr.

(4) Iako se postupak pokreće po službenoj dužnosti, Izborna komisija može pokrenuti postupak i na osnovu prijave neke druge osobe. Ova odredba podrazumijeva da postupak može pokrenuti i svako službeno i odgovorno lice u Općini, Općinskom vijeću i Općinskom pravobranilaštvu..

(5) Vođenje postupka protiv nosilaca izvršnih funkcija, izabranih zvaničnika i savjetnika za kršenje odredbi Zakona o sukobu interesa koji je pokrenut kod Centralne izborne komisije ne isključuje pravo Općine i Općinskog vijeća da o tim povredama, ukoliko je njima sklopljen štetan ugovor po Općinu i narušen ugled lokalnih vlasti, da svoje mišljenje i izrekne odgovarajuću sankciju.

#### Član 11. **(Ponašanje na sjednicama)**

(1) Odredbama ovog Kodeksa bliže se preciziraju oblici ponašanja koji narušavaju red na sjednicama Općinskog vijeća.

(2) Nosioci izvršnih funkcija, izabrani zvaničnici i savjetnici su dužni:

- a) redovno prisustvovati sjednicama Općinskog vijeća ;
- b) poštivati zakazano vrijeme sjednice, u slučaju kašnjenja dužni su ulaziti u salu na način da ne ometaju rad sjednice;

- c) da ne ugrožavaju kvorum za odlučivanje napuštanjem (bar i na kratko) sjednice bez velike potrebe;
- d) da ne prekidaju govornika naročito obraćanjem sa mjesta na kojem sjede;
- e) da, u radu Vijeća, ne iskazuju pristrasnost prema određenoj političkoj ideologiji, rasi, vjeroispovjesti, naciji, spolu i drugim mogućim predrasudama;
- f) da, u svojim obraćanjima, kao i prilikom donošenja odgovarajućih odluka ne favorizuju treća lica, grupacije i pojedince kao i lične interese;
- g) da, u svojim obraćanjima, ne koriste izraze i riječi koje vrijeđaju ljudsko dostojanstvo i narušavaju ugled Općine i Općinskog vijeća, te potiču na mržnju i nasilje;
- h) da ne razgovaraju međusobno, osim ako je to neophodno, pod uslovom da ne ometaju tok sjednice;
- i) da, u toku sjednice, ne čitaju materijale koji nisu vezani za rad sjednice;
- j) da razgovor izabranih zvaničnika, u hodniku u toku sjednice, ne smije biti toliko glasan da se njime ometa rad sjednice;
- k) da, u toku sjednice, ne stoje ili neprimjereno sjede u sali;
- l) da, prije početaka sjednice, isključe mobilne telefone, odnosno da iste ne koriste u toku sjednice;
- m) da nastoje da prikladno i uredno odjeveni dolaze na sjednice;
- n) da ne konzumiraju hranu u toku sjednice.

(3) Kodeks ponašanja iz stava 2. tačke od b) do n) dužni su poštivati i predsjednici, zamjenici predsjednika i članovi radnih tijela Općinskog vijeća u radu na sjednicama svojih Komisija.

## Član 12.

(1) O redu na sjednici Općinskog vijeća stara se predsjedavajući ili zamjenik predsjedavajućeg, a o redu na sjednici radnog tijela Općinskog vijeća stara se predsjednik radnog tijela ili njegov zamjenik.

(2) Za oblike narušavanja reda iz stava 2. tačke prethodnog člana predsjedavajući, zamjenik ili vijećnik, odnosno predsjednik radnog tijela, zamjenik ili njen član, može opomenuti nosioca izvršne funkcije, izabranog zvaničnika ili savjetnika, odnosno člana radnog tijela da njegovo ponašanje ili govor nije u skladu sa ovim Kodeksom.

(3) Ukoliko lice iz prethodnog stava ovog člana nastavi sa neprimjerenim ponašanjem opisanim u članu 11. stav 2. predsjedavajući, zamjenik ili vijećnik, odnosno predsjednik radnog tijela, zamjenik ili njen član, je dužan prijaviti kršenje odredbi ovog Kodeksa Mandatno-imunitetskoj komisiji Općinskog vijeća u cilju izricanja sankcije.

(4) Ukoliko sjednicu Općinskog vijeća ili radnog tijela ometa državni službenik ili namještenik zaposlen u Općini, Općinskom vijeću ili Općinskom pravobranilaštvu na način opisan u članu 11. predsjedavajući ili zamjenik, odnosno predsjednik radnog tijela ili njegov zamjenik je dužan to lice prijaviti Općinskom načelniku, Stručnoj službi Općinskog vijeća odnosno Općinskom pravobranilaštvu radi pokretanja disciplinskog postupka.

(5) Ukoliko je lice običan građanin, predsjedavajući ili zamjenik, odnosno predsjednik radnog tijela ili zamjenik, će zatražiti pomoć policijskih organa i dati im sve potrebne informacije u cilju pokretanja prekršajnog postupka.

## **V – ODNOSI PREMA OPĆINSKOJ UPRAVI**

### **Član 13.**

#### **(Odnos prema zaposlenima u Općini, Općinskom vijeću i Općinskom pravobranilaštvu)**

(1) U obavljanju svojih dužnosti, nosioci izvršnih funkcija, izabrani zvaničnici i savjetnici će uvažavati prava i ovlašćenja državnih službenika i drugih zaposlenika u Općini, Općinskom vijeću i Općinskom pravobranilaštvu.

(2) U službenom komuniciranju nosioci izvršnih funkcija, izabrani zvaničnici i savjetnici će njegovati kulturu dijaloga i lijepo riječi, a izbjegavati konflikte.

(3) Nosioci izvršnih funkcija, izabrani zvaničnici i savjetnici neće zahtijevati od zaposlenih u općinskoj upravi da preduzimaju ili da propuste da preduzmu bilo kakve radnje kako bi na taj način sebi ili drugima pribavili direktnu ili indirektnu korist.

(4) Svojim ponašanjem nosioci izvršnih funkcija, izabrani zvaničnici i savjetnici neće podsticati ni pomagati državne službenike i druge zaposlenike da se u izvršavanju povjerenih funkcija krši ovaj Kodeks.

## **VI – ODNOSI S MEDIJIMA**

### **Član 14.**

#### **(Medijski nastup)**

(1) U medijskim nastupima nosioci izvršnih funkcija, izabrani zvaničnici i savjetnici će pružiti sve potrebne informacije vezane za obavljanje njihovih dužnosti, izbjegavajući pritom obmanjivanje i manipulaciju građana.

(2) Prilikom davanja informacija medijima, nosilac izvršne funkcije, izabrani zvaničnik i savjetnik može javnost upoznati i o vlastitom stavu u vezi sa nekim aktuelnim problemom.

(3) Nosioci izvršnih funkcija, izabrani zvaničnici i savjetnici neće medijima davati povjerljive informacije niti informacije koje se odnose na privatni život izabranih zvaničnika.

(4) Na provokativna novinarska pitanja, nosioci izvršnih funkcija, izabrani zvaničnici i savjetnici će se suzdržavati od odgovora.

## **VII – ODNOSI PREMA GRAĐANIMA**

### **Član 15.**

#### **(Djelovanje u korist svih građana)**

(1) Nosioci izvršnih funkcija i izabrani zvaničnici i savjetnici djelovaće isključivo u korist svih građana, uključujući i one koji im nisu povjerali svoj glas.

(2) U službenoj i privatnoj komunikaciji sa građanima, nosioci izvršnih funkcija, izabrani zvaničnici i savjetnici će se strpljivo, pristojno i ljubazno ponašati.

## **VIII - ŽALBENE PROCEDURE**

### **Član 16. (Nadležnost)**

(1) Praćenje i nadziranje ovog Kodeksa vršit će Mandatno-imunitetska komisija Općinskog vijeća.

### **Član 17. (Pravo žalbe)**

(1) Svaki građanin, nosilac izvršne funkcije, izabrani zvaničnik, savjetnik i drugo zaposleno lice u Općini ima pravo i mogućnost podnošenja prijave za sve oblike kršenja odredbi ovog Kodeksa.

(2) Prijave se podnose u pismenom obliku na adresu Mandatno-imunitetske komisije Općinskog vijeća koja je dužna u roku od 30 dana razmatrati prijavu i dati svoje mišljenje, izreći sankciju o čemu obavještava Općinsko vijeće i javnost.

(3) Sankcija se izrađuje u pismenoj formi uz obrazloženje.

(5) Izrečene sankcije su konačne.

### **Član 18. (Lakši oblici kršenja Kodeksa)**

(1) Lakšim oblicima kršenja odredbi ovog Kodeksa smatraju se:

- a) narušavanje reda na sjednicama Općinskog vijeća i radnih tijela Općinskog vijeća, na način kako je utvrđeno u članu 11. stav 2. tačke od a) do e) i od h) do n)

### **Član 19. (Teži oblici kršenja Kodeksa)**

(1) Težim oblicima kršenja odredbi ovog Kodeksa smatraju se:

- a) neprimjereno ponašanje u izbornoj kampanji iz člana 9. stav 2. ovog Kodeksa (korištenje uvredljivog rječnika i klevete)
- b) obmanjivanje i manipulacija građana u medijskim nastupima (član 14. stav 1. ovog Kodeksa)
- c) uzvratanje na provokativna novinarska pitanja na neprimjeren način (član 14. stav 4. ovog Kodeksa)

- d) nestrpljivo, nepristojno i neljubazno ponašanje prema građanima u službenoj i privatnoj komunikaciji (član 15. stav 2. ovog Kodeksa)

#### Član 20.

##### **(Najteži oblici kršenja Kodeksa)**

(1) Najtežim oblicima kršenja odredbi ovog Kodeksa smatraju se:

- a) obavljanje povjerenih dužnosti na način kojim se krše odredbe zakonskih i podzakonskih akata o prekršajima (član 8. stav 3. ovog Kodeksa)
- b) obavljanje povjerenih dužnosti na način da se počini krivično djelo (član 8. stav 2. ovog Kodeksa)
- c) neprimjereno ponašanje u izbornoj kampanji iz člana 9. stav 2. ovog Kodeksa (korištenje nasilja i prijetnji)
- d) neobjelodanjivanje privatnog interesa prilikom razmatranja određenog pitanja na sjednici Općinskog vijeća i glasanje po pitanju u kojem se ima privatni interes (član 10. stav 2 ovog Kodeksa)
- e) narušavanje reda na sjednicama Općinskog vijeća i radnih tijela Općinskog vijeća, na način kako je utvrđeno u članu 11. stav 2. tačka g)
- f) zahtijevanje od zaposlenih u općinskoj upravi da preduzimaju ili da propuste da preduzmu bilo kakve radnje kako bi na taj način sebi ili drugima pribavili direktnu ili indirektnu korist (član 13. stav 3. ovog Kodeksa)
- g) podsticanje i pomaganje državnih službenika i drugih zaposlenika opštine da se u izvršavanju povjerenih funkcija krši ovaj Kodeks (član 13. stav 4. ovog Kodeksa)
- h) odavanje povjerljivih informacija i informacija koje se odnose na privatni život izabranih zvaničnika (član 14. stav 3 ovog Kodeksa)

#### Član 21.

##### **(Vrste sankcija)**

(1) Za nepoštivanje ovog Kodeksa mogu se izreći sljedeće sankcije:

- a) pismena opomena, za lakše oblike kršenja odredbi ovog Kodeksa;
- b) novčana kazna do 50% od jednog mjesečnog paušala, za teže oblike kršenja odredbi ovog Kodeksa i u slučajevima ako je izricana pismena opomena (za vijećnike Općinskog vijeća i članove radnih tijela);
- c) novčana kazna do 10% od jedne neto plaće za teške oblike kršenja odredaba ovog kodeksa (nosioci izvršnih funkcija i savjetnici);
- d) javna opomena s objavom u sredstvima javnog informisanja, za najteže oblike kršenja Kodeksa i u slučajevima ako je izricana pismena opomena (za izabrane dužnosnike i savjetnike ) odnosno ako je izricana novčana kazna



(2) Prilikom ocjenjivanja težine povrede odredbi ovog Kodeksa Mandatno-imunitetska komisija imat će u vidu posljedice koje su nastupile po ugled Općine, Općinskog vijeća i Općinskog pravobranilaštva, kao i ljudsko dostojanstvo.

## **IX – ZAVRŠNE ODREDBE**

### **Član 22. (Izjava o spremnosti)**

Izabrani zvaničnici, nosioci izvršnih funkcija i savjetnici će se upoznati sa sadržajem i principima ovog Kodeksa nakon čega će biti dužni potpisati izjavu o prihvatanju i obavezi poštivanja Kodeksa.

### **Član 23.**

Stupanjem na snagu ovog Kodeksa prestaje da važi Kodeks etičkih principa za općinske izabrane zvaničnike koje je Općinsko vijeće Stari Grad Sarajevo usvojilo 14.juna 2004.g.

### **Član 24.**

Kodeks stupa na snagu danom objavljivanja na oglasnoj ploči Općine Stari Grad Sarajevo, a naknadno će se objaviti u „Službenim novinama Kantona Sarajevo“ i web starnici Općine Stari Grad Sarajevo.

## **PREDSJEDAVAJUĆI OPĆINSKOG VIJEĆA STARI GRAD SARAJEVO**

**Broj:02-49-  
Sarajevo; februar 2009. god**

**prof. dr. Rizah Avdić**

## **O b r a z l o ž e n j e**

### **I PRAVNI OSNOV**

Pravni osnov za donošenje ovog Kodeksa sadržan je u aktima navedenim u preambuli Odluke, a kojima je utvrđena opšta nadležnost Općinskog vijeća da donosi odluke i druge opće i pojedinačne akte.

### **II RAZLOZI ZA DONOŠENJE ETIČKOG KODEKSA**

Razlozi za donošenje ovog Kodeksa leže u činjenici što je prethodni Kodeks etičkih principa za Općinske izabrane zvaničnike, Općinsko vijeće Stari Grad Sarajevo usvojilo još 2004.g.

U međuvremenu su stupili na snagu novi propisi ili je došlo do izmjene i dopune nekih postojećih, kojima je regulisan način ponašanja izabranih zvaničnika, nosilaca izvršnih funkcija i savjetnika.

S obzirom na navedeno, kao i na činjenicu da su državni organi, skoro na svim nivoima vlasti, utvrdili standarde ponašanja izabranih zvaničnika , nosilaca izvršnih funkcija i savjetnika, kao i državnih službenika, donošenjem odgovarajućih kodeksa, ukazala se potreba da to učini i Općinsko vijeće Stari Grad Sarajevo.

Na 2. sjednici Općinskog vijeća održanoj 30. decembra 2008. godine, vijećnik Suljo Agić je iznio inicijativu za usvajanjem Etičkog kodeksa, koja je usvojena, a Stručna služba Općinskog vijeća je zadužena za njenu realizaciju.

Stručna obrada:  
Stručna služba Općinskog vijeća

Predlagač:  
Kolegija Općinskog vijeća

Na osnovu člana 25. Statuta Općine Stari Grad Sarajevo – Prečišćeni tekst («Službene novine Kantona Sarajevo» br.31/08 ), Općinsko vijeće Stari Grad Sarajevo na sjednici održanoj 26. februara 2009. godine donijelo je

**O D L U K U**  
**O OBRAZOVANJU ORGANIZACIONOG ODBORA ZA OBILJEŽAVANJE DANA**  
**OPĆINE STARI GRAD SARAJEVO**

**Član 1.**

Ovom Odlukom obrazuje se Organizacioni odbor za obilježavanje 2. maja, Dana Općine Stari Grad Sarajevo (u daljem tekstu: Organizacioni odbor).

**Član 2.**

Organizacioni odbor imenuje se u sastavu:

1. MUSTAFA LAČEVIĆ – predsjednik
2. ALIJA KAMBER – zamjenik predsjednika
3. SAFET KAROVIĆ - član
4. SUAD BERBIĆ – član
5. DŽAVID KATICA - član
6. IBRAHIM DIVOVIĆ – član
7. ADEM ČATOVIĆ – član
8. MIRSAD HAFIZOVIĆ – član
9. SUAD MUZUROVIĆ – član
10. SENADA KATICA - član

**Član 3.**

Organizacioni odbor će utvrditi program obilježavanja Dana Općine Stari Grad Sarajevo za 2009. godinu.

**Član 4.**

Stručno – administrativne, organizacione i druge poslove za potrebe Organizacionog odbora obavljat će Stručna služba Općinskog vijeća i Službe općinskog organa uprave.

**Član 5.**

Ova odluka stupa na snagu danom donošenja i objavit će se u «Službenim novinama Kantona Sarajevo».

**PREDSJEDAVAJUĆI**  
**OPĆINSKOG VIJEĆA STARI GRAD**  
**SARAJEVO**

**Prof.dr. Rizah Avdić**

Broj: 02-49-  
Februar 2009. godine  
Sarajevo

Na osnovu člana 13. Zakona o principima lokalne samouprave u Federaciji Bosne i Hercegovine ( „Službene novine Federacije BiH“, broj : 49/06) i člana 10. i 25. Statuta Općine Stari Grad Sarajevo-Prečišćeni tekst („Službene novine Kantona Sarajevo“, br. 31/08), Općinsko vijeće Stari Grad Sarajevo na sjednici održanoj 26. februara 2009. godine, donijelo je

**PRAVILNIK  
O VISINI I NAČINU ISPLATE JEDNOKRATNE NOVČANE POMOĆI  
PORODILJAMA**

**Član 1.**

Ovim Pravilnikom reguliše se način pomoći porodiljama, kao jednokratna novčana pomoć ( u daljem tekstu: JNP) za porodice, odnosno porodilje koji su stanovnici Općine Stari Grad Sarajevo, ( u daljem tekstu: Općina) i imaju prebivalište na području Općine .

**Član 2.**

Porodilja ili njen suprug, moraju imati stalno mjesto boravka u Općini u kontinuitetu od godinu dana, odnosno u kontinuitetu zadnjih 12 mjeseci do dana poroda, odnosno rođenja djeteta.

**Član 3.**

Visina JNP, kao pomoć za novorođeno dijete je 200,00 (dvijestotine) KM , za svako novorođeno dijete pod uslovom iz čl. 2. ovog Pravilnika.

**Član 4.**

Sredstva iz člana 3. ovoga Pravilnika isplaćivat će se u gotovini putem blagajne Službe za boračko invalidsku,socijalnu i zdravstvenu zaštitu, raseljeljena lica i izbjeglice.

**Član 5.**

Ovaj Pravilnik stupa na snagu danom donošenja i bit će objavljen u «Službenim novinama Kantona Sarajevo».

**Član 6.**

Stupanjem na snagu ovog Pravilnika prestaje da važi Odluka o visini i načinu isplate jednokratne novčane pomoći porodiljama („Službene novine Kantona Sarajevo“ broj 6/08 ).

Br: 02-49-  
Sarajevo, 26. februara 2009.godine

**Presedavajući**  
Općinskog vijeća Stari Grad Sarajevo

Prof.dr. Rizah Avdić

Na osnovu člana 13. Zakona o Zakona o principima lokalne samouprave u Federaciji BiH (Službene novine Federacije BiH“, broj 49/06) i člana 25. Statuta Općine Stari Grad Sarajevo – Prečišćeni tekst («Službene novine Kantona Sarajevo» broj 31/08), Općinsko vijeće Stari Grad Sarajevo, na sjednici održanoj 26. februara 2009. godine, donijelo je

## **O D L U K U**

### **O IZMJENAMA I DOPUNAMA ODLUKE O DODJELI PRIZNANJA OPĆINE STARI GRAD SARAJEVO**

#### **Član 1.**

U Odluci o dodjeli priznanja Općine Stari Grad Sarajevo („Službene novine Kantona Sarajevo“, broj 9/06), u članu 2. stav 2. dodaje se nova alineja 5. koja glasi:

**„- Policajac godine“**

U istom članu dosadašnja alineja 5. postaje alineja 6.

#### **Član 2.**

U članu 3. stav 2. umjesto riječi: „do 10 (deset)“, treba da piše:  
**„do 5 (pet)“.**

U istom članu dodaje se novi stav 5. koji glasi:

**„ Općinsko priznanje Policajac godine dodjeljuje se pojedincima, policijskim službenicima I Policijske uprave - Policijska stanica Stari Grad Sarajevo, za izuzetan doprinos i postignute rezultate u zalaganju za ostvarivanje što povoljnije bezbjednosne situacije na području Općine Stari Grad Sarajevo, u prethodnom jednogodišnjem periodu.**

**Godišnje se može dodijeliti najviše jedna (1) pojedinačna nagrada.“**

U istom članu dosadašnji stav 5. postaje stav 6.

#### **Član 4 .**

U članu 4. stav 5. umjesto riječi „do 20 (dvadeset)“, treba da piše:  
**„do 6 (šest).**

#### **Član 5.**

Ova Odluka stupa na snagu danom donošenja, a bit će objavljena u «Službenim novinama Kantona Sarajevo».

#### **Član 6.**

Ovlašćuje se Komisija za propise i Statut da sačini prečišćeni tekst Odluke o priznanjima Općine Stari Grad Sarajevo.

Broj: 02-49-  
Februar 2009. godine  
Sarajevo

**PREDSJEDAVAJUĆI**  
**OPĆINSKOG VIJEĆA STARI GRAD**  
**SARAJEVO**

Prof. dr. Rizah Avdić



Na osnovu člana 25. Statuta Općine Stari Grad Sarajevo («Službene novine Kantona Sarajevo broj 10/98, 17/99 i 21/04»), i člana 7. Odluke o priznanjima broj:02-49-203/06 od 09.marta 2006. godine, Općinsko vijeće Stari Grad Sarajevo, na sjednici, održanoj 27. februara 2008. godine, donijelo je

**R J E Š E N J E**  
**O IZBORU PREDsjedNIKA, ZAMJENIKA PREDsjedNIKA**  
**I ČLANOVA KOMISIJE ZA PRIZNANJA OPĆINE STARI GRAD SARAJEVO**

**I**

U Komisiju za priznanja, biraju se;

1. RIZAH AVDIĆ - predsjednik
2. HAMZA DUVNJAK - zamjenik predsjednika
3. SULJO AGIĆ - član
4. DŽENANA MISTRIC - član
5. SADŽIDA ČELEBIĆ - član
6. ENISA HODŽIĆ - član
7. RAMIZ HOLJAN - član
8. AIDA KARAČIĆ - član
9. HARIS BURINA - član
10. KEMAL KAPETANOVIĆ - član
11. EDIN TURKUŠIĆ - član
12. ZAIM ZOLJ - član
13. VERA ZORIĆ - član
14. HUSEIN ČENGIĆ - član
15. ENISA RESIĆ - član
16. HILMO KOVAČ - član
17. IBRAHIM DIVOVIĆ - član

**II**

Ovo rješenje bit će objavljeno u «Službenim novinama Kantona Sarajevo».

Broj: 02-49-  
Sarajevo; februar 2008.god.

**PREDsjedAVAJUĆI**  
**OPĆINSKOG VIJEĆA STARI GRAD**  
**SARAJEVO**

Dr. Sc. Rizah Avdić